



ЯНУАРИЙ

Пресвятой Владычице нашей Богородице
в честь иконы Ея, именуемой

«Всех скорбящих Радость»



БЛАГОВЕЩЕНСКАЯ ЕПАРХИЯ
РУССКАЯ ПРАВОСЛАВНАЯ ЦЕРКОВЬ
МОСКОВСКИЙ ПАТРИАРХАТ

Православный приход
храма иконы Божией Матери
«Всех скорбящих Радость»

**Акафист Пресвятой Владычице нашей Бого-
родице в честь иконы Ея, именуемой «Всех скор-
бящих Радость». Благовещенск, 2016 – 28 с.**

*Издается по благословению
Преосвященнейшего Лукиана,
епископа Благовещенского и Тындинского*

*Напечатан со сборника акафистов,
утвержденного Издательским Советом
Русской Православной Церкви.*

Празднование иконы «Всех скорбящих Ра-
дость» совершается 24 октября / 6 ноября

Образ Божией Матери
«ВСЕХ СКОРБЯЩИХ РАДОСТЬ»
(XIX век)



**Рáдуйся, Благодáтная Богорóдице Дéво,
всех скорб́ящих Рáдосте!**

Тропарь, глас 2

Всех скорбящих Рáдосте, /
и обидимых Застúпнице, /
и áлчущих Питáтельнице, /
стрáнных Утешéние, /
обуреváемых Пристáнище, /
больных Посещéние, /
немощных покров и Застúпнице, /
Жéзл стáрости, /
Мáти Бóга Вышняго Ты еси́, Пречíстая: /
потщíся, мо́лимся, спастíся рабóм Твои́м.

Кондак, глас 6

Предстáтельство христиáн непосты́дное, /
ходáтайство ко Творцу́ непрелóжное, /
не прéзри грéшных молéний глáсы, /
но предвари́ на по́мощь нас, véрно
зовúщих Ти, /
ускори́ на моли́тву и потщíся на
умолéние, /
предстáтельствующи прíсно, Бого-
рóдице, чтúщих Тя.



ЯКЯФІСТ

Пресвятой Владычице нашей Богородице
в честь иконы Ея, именуемой

«Всех скорбящих Радость»

Кондак 1

Взбранней Воеводе победительная,
яко избавльшися от вѣчныя смѣрти
благодатию от Тебѣ рождшагося Христа
Бога нашего и Твоим матерним пред Ним
ходатайством, благодарственная восписуем Ти,
раби Твои: яко имущая державу непобедимую,
от всяких нас бед и скорбных обстояний свобо-
ди, зовущих: радуйся, Благодатная Богородице
Дѣво, всех скорбящих Радосте.

Икос 1

Ангел предста́тель по́слан бысть с Небе-
се́ рещи́ Богоро́дице: ра́дуйся, возвеща́я
Божество́нным воплоще́нием Христо́вым
хотя́щую роди́тися от Нея́ Ра́дость всему
ми́ру, в ско́рби погиба́юще. Темже и мы, грех-
ми́ обремене́ннии, наде́жду спасе́ния в Тебе
улучи́вше, уми́льно взыва́ем Ти:

Ра́дуйся, Бо́жие ко грешным благоволе́ние;
Ра́дуйся, ка́ющихся пред Го́сподом Бо́гом
крéпкое заступле́ние.

Ра́дуйся, па́дшаго Ада́ма воззва́ние;

Ра́дуйся, слез Евиных избавле́ние.

Ра́дуйся, грехо́вную отъе́млющая скве́рну;

Ра́дуйся, ба́не, омыва́ющая со́весть.

Ра́дуйся, ро́ждшая Изба́вителя, беззакония
на́ша ту́не очища́ющего;

Ра́дуйся, всечу́дное всех к Богу примире́ние.

Ра́дуйся, мо́сте, вои́стину преводя́й нас от
сме́рти к живу́ту;

Ра́дуйся, мир от пото́па грехо́внаго спа́сшая.

Ра́дуйся, ле́стнице небесная, Ею́же Госпо́дь
к нам сни́де;

Ра́дуйся, вина́ всех обо́жения.

Ра́дуйся, Благода́тная Богоро́дице Де́во,
всех скорбя́щих Ра́досте.

Кондак 2

Видяще токи чудес, изливаемыя от святыя Твоея иконы, благая Богородительнице, яко Ты еси молящихся благая помощница, обидимых заступница, ненадеющихся надежда, печальных утешение, алчущих кормительница, нагих одеяние, девственных целомудрие, странных наставница, труждающихся помощь, слепых прозрение, глухих благослышание, больных исцеление, благодарственне вопиём о Тебе Богу: Аллилуиа.

Икос 2

Разум недоразуменный находящих на ны лютых скорбей разумети ищуще, к Тебе прибегаем, о Мати и Дево, утешения требующе. Ты же, Яко благая, научи ны разумети в них благого Сына Твоего милосердное промышление во спасение душ наших и очищение многих согрешений, да взываем Ти радостно:

Радуйся, обуреваемых тихое пристанище;
Радуйся, сумнящихся известное утверждение.

Ра́дуйся, еди́на Ма́ти милосе́рдия;
Ра́дуйся, ско́рая помо́щнице су́щим в беда́х
и напа́стех.

Ра́дуйся, ско́рбьми грехи́ наша очища́ющая;
Ра́дуйся, печа́лию наша немо́щи душе́вныя
врачу́ющая.

Ра́дуйся, су́етныя ра́дости мира сего
презира́ти нас науча́ющая;

Ра́дуйся, от ми́ра к преми́рным ум наш
возводя́щая.

Ра́дуйся, от любве́ земны́я к небе́сней
Бо́жией любви́ нас привлека́ющая;

Ра́дуйся, в самых страда́ниях на́ших уте-
ше́ние и благодáтную жизнь нам подаю́щая.

Ра́дуйся, обетова́ние благ ве́чных;

Ра́дуйся, Хода́таице ве́чныя ра́дости.

Ра́дуйся, Благодáтная Богоро́дице Де́во,
всех скорба́щих Ра́досте.

Кондак 3

Силою свѣше укрепи́ нас, благáя
Влады́чице, недугу́ющая тѣлом и
душе́ю, и посещѣ́ния Твоего́ сподоби́
и промы́слѣния, мрак уны́ния и
ско́рби, облежа́щий нас, отгоня́юще, да
спаса́емии Тобо́ю, непреста́нно вопиѣ́м Бо́гу:
Аллилу́иа.

Икос 3

Имúщи богáтство милосéрдия неизре-
чéнное, всем скорбáющим рúку пóмоци
простираéши, недúги врачúючи, стра́сти
исцеляющи. Не прéзри и нас, благáя
Влады́чице, на одре́ нéмоци нáшея низле-
жа́щих и вопио́щих Ти:

Ра́дуйся, мýлости сокрóвище многоцéнное;

Ра́дуйся, отча́янных еди́на наде́жда.

Ра́дуйся, те́ла нáшего врачевáние;

Ра́дуйся, душ нáших спасéние.

Ра́дуйся, твёрдая крéпосте немощнýх;

Ра́дуйся, изнемога́ющих заступни́це и
укреплéние.

Ра́дуйся, гнев Бóжий Твои́м молéнием скóро
утоля́ющая;

Ра́дуйся, стра́сти нáша си́лою молíтв Твои́х
укроща́ющая.

Ра́дуйся, слепы́х зрéние, глухи́х слы́шание;

Ра́дуйся, хромы́х хождéние, немы́х
глаго́лание.

Ра́дуйся, боля́щих благонадéжное посе-
щéние;

Ра́дуйся, Яко Тобо́ю по мéре вéры подаю́тся
благодáтная исцелéния всем немощствúющим.

Ра́дуйся, Благодáтная Богороди́це Дéво,
всех скорбáщих Рáдосте.

Кондак 4

Бу́рей мно́гих бед и напáстей обдержа́щи ны, и волне́ния не ктому́ терпя́щи: Ты же, Яко́ ми́лостивая Ма́ти Спа́са на́шего и Бога, воздвигни ру́це к Сы́ну Твоему́, моля́щи Его, да при́зрит на лю́тую ско́рбь серде́ц наших и воздвигнет нас из пучи́ны отча́яния, вопию́щих Ему: Аллилу́иа.

Икос 4

Слы́шащи, Пресвята́я Де́во и Ма́ти, Симео́на пра́веднаго прорече́ние: Тебе́ же Само́й ду́шу про́йдет ору́жие, слагáла еси́ в се́рдце Твое́м вся глаго́лы сия́, понима́ющи, яко́ ра́дость ма́терняго се́рдца о ча́дех мно́гих печа́лей в ми́ре сем бывáет причáстна. Те́мже, яко́ искуше́нней по вся́ческим и спострада́ти ма́терней ско́рби могу́щей, зыва́ем Ти:

Ра́дуйся, ра́дость миру Христа́ Спаси́теля ро́ждшая;

Ра́дуйся, мир от скорбе́й избавля́ющая.

Ра́дуйся, хуле́ния и клеветы́ на Сы́на Твоего́ терпе́вшая;

Ра́дуйся, страда́нием Его спострада́вшая.